



Headlines

1 प्रधानमंत्री नरेन्द्र मोदी होरें जम्मू कश्मीर गी आतंकवाद शा मुक्त बनाने दा प्रण पाया ऐ। उनें आखेआ जे परोआरवाद आली सियासत नै जम्मू कश्मीर गी तबाह कीता।

2 प्रधानमंत्री होरें जम्मू कश्मीर च आए दे सकारात्मक बदलावें दा श्रेय, इत्थूं दे लोकें गी दिंदे होई आखेआ जे विधानसभा दे एह चुनां लोकें दी किस्मत दा फैसला करगंन।

3 सुरक्षाबलें बारामुला च 3 आतंकवादिएं गी मारी मकाया ऐ। किश्तवाड़ दे छू च आतंकवादिएं दे सफाये लेई सुरक्षाबलें दा अभियान बरोबर जारी ऐ।

4 हॉकी च चीन च खेड्डी जा'रदी मद्रें दी एशियाई चैंपियन ट्रॉफी टूर्नामेंट च भारत नै पाकिस्तान गी हराई दित्ता ऐ।



## PM Doda Rally

प्रधानमंत्री नरेन्द्र मोदी होरें प्रण पाया जे ओह जम्मू कश्मीर थमां आतंकवाद दा सफाया करी देंगन। उनें आखेआ जे जम्मू कश्मीर च आतंकवाद हुन खीरी साह लै'रदा ऐ। आकाशवाणी जम्मू दे संवाददाता दी रिपोर्ट मूजब अज्ज डोडा च इक बड्डी चुनां रैली गी संबोधत करदे होई श्री मोदी होरें आखेआ जे जम्मू कश्मीर च आतंकवादी हून जान बचांदे फिरा'रदे न। उनें नैशन कांफ्रेंस, कांग्रेस ते पीपल्स उैमोक्रेटिक पार्टी पर दोष लाया जे उनें अपने निजी स्वार्थे गी पूरा करने लेई जम्मू कश्मीर गी तबाह कीता। उनें आखेआ जे उंदी सरकार नै परिवारवाद आली सियासत दे विरोधे च इक नमें लीडर गी सामने आंदा ऐ। उनें आखेआ.....बाईट

<><><><><><>

## PM Youth

प्रधानमंत्री नरेन्द्र मोदी होरें जम्मू कश्मीर च होए दे सार्थक बदलाव दा सेहरा जम्मू कश्मीर दे नागरिकें दे सिर लांदे होइ आखेआ जे केन्द्री सरकार नै जम्मू कश्मीर गी इक खुशहाल ते समृद्ध प्रांत बनाने दा धेइया कीते दा ऐ। आकाशवाणी जम्मू दे संवाददाता नै दस्सेआ जे प्रधानमंत्री मोदी होरें डोडा, किश्तवाड़ ते

रामबन जिले लेई 8एं असैंबली सीटें लेई चुनां प्रचार करदे होई जम्मू कश्मीर दे बदलोंदे मंजरा लेई स्थानीय लोकें दी सराहना कीती। प्रधानमंत्री मोदी होरें आखेआ जे जम्मू कश्मीर दे असैंबली चुनां औं दे बसनीकें दी किस्मत दा फैसला करगंन।

<><><><><><><>

## **NC-Reaction(byte)**

साबका मुखमंत्री ते नैशनल कांफ्रेंस दे उपाध्यक्ष उमर अब्दुल्ला होरें प्रधानमंत्री हुंदे इस आरोप दा, जे जम्मू कश्मीर दिएं प्रांतीय पार्टिं जम्मू कश्मीर गी तबाह कीता ऐ, खंडन कीता ऐ। नैशनल कांफ्रेंस दे लीडर होरें सुआल कीता जिसलै बीजेपी नै पीडीपी ते नैशनल कांफ्रेंस थमां मदाद लैती ही, केह दसलै एह प्रांतीय पार्टियां जम्मू कश्मीर दी तबाही दियां जिम्मेदान नेई हियां।

<><><><><><><>

## **Mehbooba Mufti(byte)**

तोआई प्रधानमंत्री हुंदे इस आरोप दा खंडन करदे होई साबका मुखमंत्री ते पीडीपी अध्यक्ष महबूबा मुफ्ती होरें नैशनल कांफ्रेंस पर बीजेपी दे सिद्धांतें पर चलने दा दोष लाया।

<><><><><><><>

## Congress

कांग्रेस पार्टी नै अज्ज केन्द्र सरकार पर दोष लाया ऐ जे ओह जम्मू कश्मीर च आतंकी हमलें पर रोक लाने च नाकाम रेई ऐ। उनें दावा बन्नेआ जे आतंकवाद संघ शासत जम्मू कश्मीर च होर तगड़ेयाई कन्नै परतोआ ऐ जिसलै कि केई ब'रे पैहले एह खत्म होई चुके दा हा। अज्ज श्रीनगर च इक संवाददाता सम्मेलन गी संबोधत करदे होई पार्टी प्रवक्ता सुप्रिया श्रीनत होरें आखेआ जे पिछले 98 दिनें च जित्तूं दा प्रधानमंत्री अपने त्रीए कार्यकाल लेई चुनां गै जम्मू कश्मीर च 25 आतंकी हमले होए न। उनें आखेआ बड्डे बड्डे दावे कीते गे हे ते अगस्त 2019 मगरा जम्मू कश्मीर च शांति ब्हाल होई जाग। पर हुन मोदी हुंदे त्रीए कार्यकाल गी बी 98 दिन होई गे न ते उनें 98एं दिनें दरान जम्मू कश्मीर च 25 आतंकी हमले होए न। 21 सुरक्षा कर्मी शहीद होई गे न ते केई जख्मी होए न।

<><><><><><><>

## Hindi Diwas

प्रधानमंत्री नरेन्द्र मोदी, गृहमंत्री अमित शाह ते रक्षा मंत्री राजनाथ सिंह होरें हिंदी दिवस दे मौके पर सब्बनें देशवासिएं गी शुभकामनां दित्तियां न। सोशल मीडिया दी इक पोस्ट च श्री मोदी होरें हिंदी भाषा दे महत्व गी दर्शाने आली अपनी इक पोस्ट सांझी कीती। तोआई इक वीडियो संदेस च गृहमंत्री इस बरे दे हिंदी दिवस दे महत्व पर लोह पाई ते आखेआ जे 14 सितम्बर सन् 1949 गी भारत दी संविधान सभा नै हिंदी गी सरकारी भाषा दे तौर पर अपनाया हा। शाह होरें आखेआ जे हिंदी दिवस अपने 75 बरे पूरे करै करदा ऐ ते इस बड्डी उपलब्धि गी सरकारी भाषा दे तौर पर हिंदी दे हीरक जयंति दे रूपै च मनाया जा करदा ऐ।

<><><><><><>

## JKAACL

जम्मू कश्मीर दी कला संस्कृति ते भाषाएं सरबंधी अकादमी नै अज्ज अभिनव थैटर जम्मू च "हिंदी दिवस" मनाया। पूरा दिन चलै दे इस आयोजन च हिंदी भाषा दे बाद्धे विकास ते संरक्षण बारे गल्ल कीती गई। पूरे प्रांतै दे विद्यार्थिएं एह्दे अलावा वाद-विवाद ते काव्य पाठ च बड़े जोश ते जज्बे कन्नै हिस्सा लैता। मुख

सचिव अटल डुल्लू इस मौके मुख परौहने हे। उनें हिंदी दी महत्ता बारे दस्सदे होई इसी किट्ठा जोड़ियै रखने आली भाषा ते भारत दी सांस्कृतिक विरासत दा प्रतीक दस्सेआ।

<><><><><><><>

## Encounters

सुरक्षाबलें जम्मू कश्मीर दे किश्तवाड़ ते बारामुला जिलें च होए दे दऊं बक्ख-बक्ख टाकरें च त्रऊं आतंकवादिएं गी मारी मकाया, जिसलै के 2 जवान शहीद होई गे न। इक वरिष्ठ पुलस अधिकारी नै दस्सेआ जे उत्तरी कश्मीर दे बारामुला जिले च करीरी इलाके दी चक्के टप्पर थाहर होए दे टाकरे च 3 बे-पुछानू आतंकवादी मारे गे। एह्दे शा पैहले कल संजा जम्मू डिवीजन दे किश्तवाड़ जिले दे छात्रू इलाके च आतंकवादिएं कन्नै भखे दे इक टाकरे च 2 जवान शहीद होई गे ते दो जवान तपाश मुहिम दरान जख्मी होइ गे। आकाशवाणी जम्मू दे संवाददाता दी रिपोर्ट मूजब आतंकिएं गी फगड़ने लेई तपाशी अभियान चला'रदा ऐ। एह्दे इलावा अज्ज उधमपुर, पुंछ ते राजौरी जिलें च आतंक विरोधी मुहिम व्यापक करी दित्ती गई ऐ।

<><><><><><><>

## **Kishtwar PTC(byte)**

किश्तवाड़ दे जिला इंतजामिया नै 33 चुनावी पार्टिएं दे पैहले जत्थे गी जिला सदर मकाम थमां इंदरवाल असेंबली हल्कें दे दूर दरेड़े मड़वाह ते वाखन इलाकें लेई रवाना कीता। इंदे च सरकारी अफसर, पुलस कर्मी ते केन्द्री थेआरबंद पुलस बलें दे जवान शामिल न। किश्तवाड़ जिले दे इंदरवाल, किश्तवाड़, पाड्डर—नागसेनी असेंबली हल्कें च पैहले गेड़ दे तैह्त औंदी 18 सितम्बर गी वोट पोआए जाने न।

<><><><><><>

## **RNU Special Programme**

आकाशवाणी जम्मू दा क्षेत्रीय समाचार एकांश 18 सितंबर, 2024 कोला त्रऊं गेड़े च होने जा'रदे विधानसभा चुनाव 2024 दे सिलसिले च जम्मू संभाग दे सब्बने 10 जिले दे बारे च विशेष जिला प्रोफाइल कार्यक्रमें दी इक्क श्रृंखला शुरू करा'रदा ऐ । इस सिलसिले च 12 सितंबर थमा 15 मिनट दे 10 विशेष कार्यक्रम 12,14,16, 20, 22, 24, 26, 27, 28 ते 30 सितंबर गी बडले 8:45 बजे प्रसारित कीते जांगन जिंदे च जम्मू संभाग दे हर जिले दा ऐतिहासिक, पर्यटन ते राजनीतिक अवलोकन पेश कीता जाग स

केंद्र शासित प्रदेश च आगामी विधानसभा चुनाएं दे मद्देनजर, शुरु कीती गेदी इस श्रृंखला दा उद्देश्य आकाशवाणी जम्मू दे श्रोताएं लेई जम्मू संभाग दे सब्बने 10 जिले दे हर इक्क विधानसभा क्षेत्र दे बारे च महत्वपूर्ण जानकारी प्रसारित करना ते उने गी जागरूक रखना ऐ । बने र'वो स्हाड़े कन्ने ते सुनदे र'वो आकाशवाणी समाचार

<><><><><><>

## Onion

उद्योग ते बपार मंत्रालय नै आखेआ ऐ जे सरकार गाहकें गी किफायती मुल्ल पर गंडें दी दस्तेयाबी जकीनी बनाने लेई थोक बिक्री दी रणनीति अपना करदी ऐ। मंत्रालय नै आखेआ ऐ जे सरकार बधदे मंग-आपूर्ति हालात ते कीमतें दे रूझानें दी बिनाह उप्पर गंडें दी लक्षित ते स्थिर आपूर्ति जकीनी बनाने लेई राज्य सरकारें कन्नै रलियै कम्म करै करदी ऐ। सरकार दा लक्ष्य इस गल्लै गी जकीनी बनाना ऐ जे मुल्ख भरै च हर घरै तोड़ी सस्ते गंडें पुज्जी सकन। मंत्रालय नै आखेआ ऐ जे सरकार गंडें दिए कीमतें पर निगरानी रखने लेई वचने बज्जी दी ऐ। मंत्रालय मूजब



रियायती दरें पर गंडें दी खुदरा बिक्री पर केन्द्र सरकार दी पैहलकदमी एहदी कीमत च गिरावट गी दर्शादी ऐ।

<><><><><><>

## Chess Olympiad

हंगरी दे बुडापेस्ट च 45में फिडे शतरंज ओलंपियाड च कल भारत दी महिला टीम नै स्वित्जरलैंड पर 3—1 कन्नै जित्त हासल कीती। भारत दी आर.वैशाली, दिव्या देशमुख ते वंतिका अग्रवाल होरें अपने मकाबले जित्ती लैते न। हालांके डी. हरिका गी महिलाएं दी साबका व्लर्ड चैंपियन एलेक्जेंडरा कोस्टेनीयुका थमां शिकस्त झल्लनी पेई। भारत टीम दी इस जित्त कन्नै ओलंपियाड च उनेंगी 6एं अंके दी सांझी बढ़त थहोई जाग।

<><><><><><>

## Hockey

हुलुनबयूर—चीन च अज्ज हीरो एशियन हॉकी चैंपियन ट्रॉफी तैहत खेड्डे गेदे मैच च भारत नै पाकिस्तान गी 2—1 कन्नै हराया। खेड्ड दे 9में मिंटे च पाकिस्तान दे अहमद नदीम नै इक गोल करियै बढ़त बनाई लैती पर कप्तान हरमनप्रीत सिंह नै दऊं पैनेल्टी

कॉर्नरें गी दऊं गोलें च बदलियै भारत गी जित्त दोआई जेह्डीवीन  
ते जापान बश्कार खेड्डेआ जाने आला खीरी लीग मैच इस गल्लै  
दा फैसला करोग जे मलेशिया ते चीन चां केह्डी टीम  
सैमीफाइनल च भारत पाकिस्तान ते कोरिया कन्नै खेडोग ।

<><><><><><>